

MITASA

BIL. 2 / 2009



Kesatuan Kakitangan Akademik
Universiti Teknologi MARA
(MITASA)

- Simposium Ke Arah Memperkasakan Akademik Malaysia
- Perjumpaan Dengan Menteri Pengajian Tinggi
- Lawatan Ke UiTM Terengganu

PERJUMPAAN DENGAN AHLI UITM TERENGGANU PADA 25 JANUARI 2009

MITASA telah mengadakan lawatan dan perjumpaan dengan ahli-ahli MITASA di UiTM Terengganu pada 25 Januari 2009. MITASA diwakili oleh Puan Sarimah Ismail dan Puan Norliza Aminudin. Turut serta pada pertemuan tersebut, En Ab Latiff Ishak, En Mohd Sazili Shahibi, En Hashim Ahmad@Mohamed dan En Ab Wahab Mohamad. Sambutan yang diterima amat menggalakkan. Kehadiran ahli-ahli dengan pelbagai persoalan amat memberangsang dan menghuraikan pelbagai persoalan yang telah membelenggu ahli-ahli selama ini. Pertemuan secara langsung dengan ahli-ahli di Terengganu merupakan satu cara bagi MITASA mendekatkan diri secara langsung dengan ahli-ahlinya di sana. Justeru, MITASA merakamkan jutaan terima kasih kepada wakil Terengganu, En Tajul Hasnan yang telah menguruskan aktiviti ini. Terima kasih juga kepada ahli-ahli yang telah memberi sokongan moral dengan menghadiri pertemuan tersebut. Akhir sekali, tahniah kepada pensyarah-pensyarah Terengganu yang mendaftar menjadi ahli MITASA pada hari tersebut.

Pelbagai perkara telah dibangkitkan semasa pertemuan tersebut. Antara perkara yang dibincangkan ialah mengenai 7 kriteria kenaikan pangkat bagi Gred 52. Ahli-ahli yang memohon kenaikan pangkat ke gred 52 menghadapi masalah pada kriteria ke 7, iu

bagian "Perundingan dan Anugerah". Ahli-ahli menyuarakan kekusaran mereka pada kriteria ini yang dianggap terlalu "rigid" dan sebahagian besar ahli-ahli tidak dapat memenuhi bahagian ini, sungguhpun pada dasarnya mereka telah layak dipertimbangkan untuk kenaikan pangkat. Kekangan ini juga, menyebabkan, ramai ahli-ahli yang telah senior, di Terengganu tidak memohon kenaikan pangkat ke gred 52.

Antara aduan yang diterima oleh ahli dari UiTM Terengganu ialah supaya MITASA memohon kepada pihak yang berkenaan untuk dipermudahkan kriteria kenaikan pangkat ke DM52 untuk ahli-ahli yang telah senior dan pertambahan sewajarnya diberikan kepada mereka yang perkhidmatannya majoriti melebihi 15 tahun. Ahli Terengganu juga meminta MITASA memperbanyakkan aktiviti di kampus cawangan dengan mewujudkan satu jawatankuasa peringkat cawangan di setiap cawangan UiTM. Ahli juga mencadangkan Kelab Akademik sebagai Jawatankuasa kecil MITASA-Terengganu. Dalam pertemuan tersebut juga satu usul telah dicadangkan iaitu pensyarah yang telah berkhidmat lebih dari sepuluh tahun diberi priority untuk kenaikan pangkat ke DM52 meskipun tiada 'research'. Untuk Penolong Pensyarah, MITASA akan memohon diwujudkan Gred 32.



Wakil Mitasa bersama ahli di Terengganu.

PERJUMPAAN DENGAN AHLI UITM KEDAH PADA 1 MAC 2009

Lawatan dan pertemuan EXCO MITASA ke UiTM Kedah telah diadakan dengan jayanya. EXCO MITASA diwakili oleh En Ab Latiff Ishak, Presiden MITASA dan En Mohd Sazili Shahibi, Setiausaha Agung MITASA. Terimakasih kepada wakil MITASA dan ahli semua yang telah memberikan kerjasama yang baik semasa sesi perjumpaan tersebut. Berbagai isu mengenai skim perkhidmatan pensyarah telah dibincangkan. Antara isu penting yang dibincangkan ialah isu kenaikan pangkat pensyarah DM45 kepada DM52. MITASA juga menerima beberapa aduan mengenai perkhidmatan semasa sesi perjumpaan tersebut. Tahniah kepada ahli baru yang telah mendaftar pada hari tersebut.

PERJUMPAAN DENGAN AHLI UITM SARAWAK PADA 6 MAC 2009

Taklimat bersama ahli-ahli MITASA dengan wakil EXCO MITASA telah dijalankan dengan jayanya pada 6/3/2009 di UiTM cawangan Sarawak. Pihak MITASA ingin merakamkan jutaan terima kasih kepada Timbalan Pengarah UiTM Sarawak, Prof. Madya Dr. Hajah Fatimah Bujang dan Timbalan Pendaftar Kanan, Encik Ahmad Lofti Ariffin di atas kerjasama dan layanan baik yang diberikan kepada wakil EXCO MITASA iaitu Puan Rezian-Na Muhammad Kassim dan Puan Hiruani Haslina binti Che Hassan. Terima kasih juga diucapkan kepada PM Dr Rashidee Haji Alwi sekeluarga yang telah meraikan wakil MITASA dan juga tetamu-tetamu yang hadir.

Hampir 25 orang kakitangan akademik yang menghadiri taklimat tersebut dan 16 ahli baru berjaya didaftarkan. Di akhir sesi taklimat tersebut banyak isu-isu sensasi seperti Rayuan Kenaikan Pangkat Pensyarah DM45 ke DM52, status sebagai Pensyarah kontrak, persaraan, beban tugas pensyarah dan lain-lain. Isu-isu tersebut akan dibincangkan dan diperpanjangkan kepada pihak yang berkaitan. Pihak MITASA berharap lebih ramai lagi warga kakitangan akademik akan menjadi ahli MITASA di masa akan datang. Sila hubungi En Mohd Shah bin Mahat PPB, wakil Sarawak untuk keterangan lanjut.



PM Dr. Hajah Fatimah Bujang dan En. Ahmad Lofti bersama Wakil MITASA.

LANAMAN WEB MITASA

Ahli-ahli kini dapat mengakses laman web MITASA untuk mendapatkan berita terkini mengenai MITASA. Untuk mendapatkan berita segera ke email masing-masing, setiap ahli dikehendaki mendaftar di laman MITASA. Pendaftaran segera amat diharapkan bagi meningkatkan kecekapan penyaluran maklumat kepada ahli-ahli semua.